

Na osnovu Odluke o usvajanju Programa utroška sredstava sa kriterijima raspodjele sredstava "Tekući transferi drugim nivoima vlasti i fondovima – za sanaciju šteta nastalih usljed poplava i klizišta", utvrđenog Budžetom Federacije Bosne i Hercegovine za 2018. godinu Federalnom ministarstvu prostornog uređenja („Službene novine Federacije BiH“, broj: 23/18 od 28.03.2018. godine), i Odluke o raspisivanju Javnog poziva Federalnog ministarstva prostornog uređenja broj: 04-14-4-98/18-7 od 28.03.2018. godine, Federalno ministarstvo prostornog uređenja, raspisuje:

JAVNI POZIV

Za odabir korisnika za Program utroška sredstava sa kriterijima raspodjele sredstava "Tekući transferi drugim nivoima vlasti i fondovima - za sanaciju šteta nastalih usljed poplava i klizišta "

Predmet Javnog poziva je prikupljanje programa – projekata za raspodjelu sredstava tekućeg transfera, koji je osiguran iz sredstava Federalnog ministarstva prostornog uređenja u razdjelu 23 ekonomski kod 6141 "Tekući transferi drugim nivoima vlasti i fondovima - za sanaciju šteta nastalih usljed poplava i klizišta " Budžeta Federacije Bosne i Hercegovine za 2018. godinu (" Službene novine Federacije BiH", br. 5/18).
Vlada Federacije Bosne i Hercegovine donijela je Odluku V.broj: 256/2018 od 21.03.2018. godine, o usvajanju Programa utroška sredstava sa kriterijima raspodjele sredstava "Tekući transferi drugim nivoima vlasti i fondovima – za sanaciju šteta nastalih usljed poplava i klizišta", utvrđenog Budžetom Federacije Bosne i Hercegovine za 2018. godinu, Federalnom ministarstvu prostornog uređenja („Službene novine Federacije BiH“, broj: 23/18).

II.

Naziv programa, korisnici, ciljevi i kriteriji

Program utroška sredstava sa kriterijima raspodjele sredstava: "Tekući transferi drugim nivoima vlasti i fondovima - za sanaciju šteta nastalih usljed poplava i klizišta "

Raspodjela sredstava utvrđenih ovom Odlukom Vlade Federacije Bosne i Hercegovine vršit će se za devet odabranih programa/projekata u visini od 100.000,00 KM po jednom programu/projektu, i sredstva u visini od 200.000,00 KM kao interventna sredstva kojim raspolaže Federalni ministar prostornog uređenja, a sve u skladu sa kriterijima kako slijedi:

Pravo sudjelovanja na javnom pozivu ostvaruju: kantonalni i općinski organi vlasti Federacije Bosne i Hercegovine.

Ciljevi programa su: Poplave u maju 2014. godine aktivirale su preko 3.000 klizišta, uzrokujući štete na više od 2.000 stambenih jedinica. Stoga klizišta predstavljaju prijetnju ne samo za bezbjednost ljudi, nego i za brojna naselja i lokalnu infrastrukturu, farme i polja, puteve i vodosnabdjevanje, kulturne i sportske objekte i javne ustanove.

Poštujući veliki broj zahtijeva lokalnih zajednica za finansiranjem projekata sanacije šteta nastalih usljed poplava i klizišta, sa realizacijom projekata iz ove Odluke povećati će se otpornost lokalnih zajednica u Federaciji Bosne i Hercegovine u smislu smanjenja rizika od klizišta i poplava, čime se doprinosi bezbjednosti stanovništva i infrastrukture u ciljanim područjima kao i održivosti ulaganja u razvoj i oporavak.

Kriteriji za izbor programa su: Raspodjela sredstava vršit će se za programe i projekte u skladu kriterijima:

- doprinos kandidiranih programa /projekata većoj sigurnosti stanovništva, stambenih objekata i infrastrukture u ciljnim područjima
- prednost programima/projektima koji imaju veće učešće u sufinansiranju
- finansijski plan (budžet za program/projekat)
- Kandidirani programi/projekti već imaju izrađenu projektnu dokumentaciju

III.

Neophodna dokumentacija za sudjelovanje

Sredstva iz Javnog poziva po navedenim programima dodjeljuju se na osnovu prijave projekta - programa korisnika i obavezne dokumentacije.

Obrazac za prijavu projekta i obrazac izjave moraju biti popunjeni na računaru na obrascima koji su dostupni na web stranici Federalnog ministarstva prostornog uređenja (www.fmpu.gov.ba). Obrazac za prijavu projekta,

obrazac Izjave i obavezna dokumentacija treba biti dostavljena prema redosljedu sa prijavnog obrasca, i poslana u A4 koverti. Obrasci moraju biti dostavljeni u print i elektronskoj formi na CD u koverti.

Obavezna dokumentacija mora sadržavati:

1. Popunjen obrazac za prijavu projekta (obrazac 1.)
2. Popunjen obrazac Izjave (obrazac 2.)
3. Uvjerenja o poreskoj registraciji (identifikacijski broj: ID broj i PDV broj ukoliko su PDV obveznici)
4. Dokaz o vlasništvu (izvod iz katastra - katastarska čestica)
5. Detaljan projekt ili program sa preciznim predmjerom radova za koji se traži sufinansiranje
6. Finansijski plan (budžet projekta)
7. Preporuku kantonalnog resornog ministarstva ili lokalne zajednice s potvrdom o sufinansiranju (*ukoliko podnosilac ima takvu preporuku*)
8. Elektronsku verziju obrasca prijave projekta i budžeta (CD)

Važne napomene:

- U koverti može biti samo jedan projekat, ako ima više projekata u jednoj koverti aplikacija se odbacuje.
- Da bi aplikant ušao u konkurenciju za odabir na Javnom pozivu mora ispuniti pravno-formalne uvjete.
- Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog poziva, moraju biti originali ili ovjerene kopije, ne starije od tri mjeseca
- Dokumenti koji se šalju na Javni poziv ne vraćaju se aplikantu.
- Neadekvatno popunjene prijave i nekompletni zahtjevi se neće razmatrati.
- Pravo sudjelovanja na Javnom pozivu ostvaruju aplikanti sa područja Federacije BiH

IV.

Vrednovanje projekata

Vrednovanje i rangiranje projekata pristiglih na Javni poziv vršit će posebna komisija koju imenuje Federalni ministar prostornog uređenja. Komisija razmatra projekte zaprimljene na osnovu Javnog poziva, cijeni ispunjenost uvjeta i kriterija za odobravanje, te zapisnik s obrazloženom ocjenom i mišljenjem dostavlja Federalnom ministru prostornog uređenja koji donosi konačnu Odluku o korisnicima sredstava.

Rezultati Javnog poziva o izboru korisnika sredstava bit će objavljeni na (www.fmpu.gov.ba)

Prije donošenja konačne odluke o odabiru Ministarstvo zadržava pravo od aplikanta zatražiti dodatna pojašnjenja projekta, kao i pravo odbijanja pristiglih projekata bez posebnog obrazloženja.

Sa odabranim korisnicima zaključit će se ugovor o međusobnim pravima i obavezama u realizaciji projekta koji se sufinansira te praćenje namjenskog korištenja dobivenih sredstava.

V.

Opće odredbe

Obraci za prijavu po ovom Javnom pozivu mogu se preuzeti na (www.fmpu.gov.ba)

Zahtjev za sudjelovanje s obaveznom dokumentacijom dostavlja se lično ili putem pošte na adresu Federalno ministarstvo prostornog uređenja, Marka Marulića br. 2, 71000 Sarajevo u zatvorenim kovertama sa naznakom „NE OTVARAJ–PRIJAVA NA JAVNI POZIV ZA SANACIJU ŠTETA NASTALIH USLJED POPLAVA I KLIZIŠTA „ Javni poziv objavljuje se na (www.fmpu.gov.ba), u „Službenim novinama Federacije BiH“ i dnevnom listu velikog tiraža.

Rok za podnošenje zahtjeva je 15 dana od dana posljednjeg objavljivanja javnog poziva u „Službenim novinama Federacije BiH“.

Zahtjevi s nepotpunom dokumentacijom, podneseni mimo roka i utvrđene forme, neće se razmatrati.

Sve dodatne informacije vezane za javni poziv, mogu se dobiti svakim radnim danom putem telefona 033/726 522 i 033/726 531

Broj: 04-14-4-98/18-8

Sarajevo, 28.03.2018. godine

